

Lefel 1 / Lefel 2 TAAU

Amgylchedd Adeiledig

I'w addysgu o fis Medi 2027

Canllaw Cyflym



Noder bod yr holl wybodaeth yn ein Canllawiau Cyflym yn amodol ar gymeradwyaeth Cymwysterau Cymru.

Yn Arbennig i Gymru.
Yn barod i'r byd.

Grymuso dysgwyr, cefnogi athrawon

Fel corff dyfarnu mwyaf Cymru, mae gennym fwy na 75 mlynedd o brofiad yn cyflwyno cymwysterau o safon y gellir ymddiried ynddynt ac yn cefnogi dysgwyr, addysgwyr, a chyflogwyr ledled Cymru.

Darparwn amrywiaeth eang o gymwysterau dwyieithog sy'n hygyrch, yn ennyn diddordeb, ac wedi'u bwriadu i fodloni anghenion dysgwyr heddiw.

I ategu ein cymwysterau mae gennym dimau pynciol arbenigol, adnoddau o safon uchel, a chefnogaeth arbenigol, ymatebol. Y cydweithio agos ag ysgolion, colegau, consortia rhanbarthol, arbenigwyr sector a Chymwysterau Cymru sy'n llywio ac yn llunio ein gwaith.

Ni yw'r unig gorff dyfarnu sy'n cynnig cymwysterau ym mhob cyfres o'r hyn sydd ar gael fel Cymwysterau Cenedlaethol 14-16. Rydym yn falch iawn felly o fod â rôl allweddol yn cefnogi dyhead Llywodraeth Cymru i wneud addysg yng Nghymru yn rhywbeth y gall y genedl fod yn falch ohono. Mae'n ymrwymiad gennym i helpu pob dysgwr i gyflawni ei botensial ac i symud ymlaen yn hyderus.



TAAU: Deniadol, ymarferol, ac wedi'u hadeiladu ar gyfer cynnydd

Mae ein cymwysterau Lefel 1/2 Tystysgrif Alwedigaethol Addysg Uwchradd (TAAU) wedi'u llunio i ysbrydoli a chefnogi dysgwyr 14-16 oed, gan gynnig rhaglen dros ddwy flynedd sy'n hygyrch, deniadol, ac wedi'i gwreiddio mewn dysgu yn y byd go iawn. Gyda phwyslais cryf ar weithgareddau a phrofiad ymarferol, mae'r cymwysterau hyn yn helpu dysgwyr i feithrin hyder, datblygu sgiliau hanfodol, a chyflawni llwyddiant ystyrlon.

Mae cymwysterau TAAU yn cynnwys unedau, gan ganiatáu i ddysgwyr gwblhau rhai asesiadau ym Mlwyddyn 10 ac eraill ym Mlwyddyn 11. Gyda'r hyblygrwydd hwn, mae'n bosibl gwneud cynnydd cyson, mae llai o bwysau asesu, ac mae'r dysgwyr yn cael y cyfle i ddangos yr hyn maen nhw'n ei gyflawni drwy gydol y cwrs.

Ar gyfer ein cymwysterau TAAU, mae asesiadau allanol, sydd fel arfer yn werth 40% o'r cymhwyster cyffredinol, wedi'u llunio er mwyn asesu gwybodaeth ar lefel sylfaenol a gellir eu cwblhau tua dechrau'r cwrs, gan roi mwy o amser i ddysgwyr ganolbwyntio ar ddatblygu sgiliau lefel uwch. Mae'r strwythur hwn yn ychwanegu trylwyredd a hygrededd i'r cymhwyster tra'n helpu i leihau llwyth gwaith athrawon.

Oherwydd eu natur gydadferol, mae ein cymwysterau TAAU yn cydnabod y cryfderau sydd gan ddysgwyr ar draws y gwahanol unedau. Gall cyflawniad uchel mewn un maes wrthbwysio perfformiad is mewn maes arall, gan hyrwyddo profiad asesu mwy cynhwysol a chefnogol.

Gyda chynnwys sy'n berthnasol, yn ysgogol ac wedi'i deilwra i anghenion dysgwyr, mae cymwysterau TAAU CBAC yn darparu sylfaen gadarn ar gyfer symud ymlaen i astudio ymhellach ar Lefelau 1 i 3. P'un a yw dysgwyr yn parhau i astudio'r pwnc ai peidio, byddan nhw'n ennill gwybodaeth, dealltwriaeth a sgiliau gwerthfawr, gan deimlo eu bod wedi cyflawni mewn ffordd sy'n eu paratoi ar gyfer bywyd, dysgu a gwaith.

Gweler ein hamrywiaeth lawn o gymwysterau TAAU

www.cbac.co.uk/ton3

Ynglŷn â'r TAAU mewn Amgylchedd Adeiledig

Mae'r sector Amgylchedd Adeiledig yn llunio'r mannau lle rydym ni'n byw ac yn gweithio, gan ddylanwadu ar adeiladu, dylunio a chynaliadwyedd.

Mae'r cymhwyster hwn yn cyflwyno dysgwyr i'w gwmpas, prosesau allweddol, a rolau amrywiol, ochr yn ochr â fframweithiau fel deddfwriaeth, cynllunio ac asesu risg.

Drwy weithgareddau ymarferol, bydd dysgwyr yn datblygu ac yn gwerthuso sgiliau mewn tair crefft fel bricwaith, gwaith plymio, neu waith coed, gan feithrin hyder a sgiliau trosglwyddadwy wrth iddyn nhw baratoi i astudio ymhellach neu i ddilyn prentisiaethau neu yrfaedd yn y diwydiant hanfodol hwn sy'n datblygu.

Ar gyfer pwy mae'r cymhwyster hwn?

Mae'r cymhwyster Lefel 1/2 TAAU Amgylchedd Adeiledig wedi'i lunio i fod yn gyfochrog â chymwysterau TGAU, gan gynnig profiad galwedigaethol ymarferol sy'n ehangu dysgu i ddysgwyr 14 i 16 oed mewn ysgolion.

Mae'n addas i ddysgwyr sydd â diddordeb mewn pynciau ymarferol, seiliedig ar sgiliau, a gyrfaedd yn y diwydiant adeiladu.

Mae'n cynnig llwybr strwythuredig i ddeall natur amrywiol yr amgylchedd adeiledig a'r cyfleoedd gyrfa y mae'r sector yn eu cynnig. Mae'n darparu sylfaen ardderchog ar gyfer astudio ymhellach, sydd yn ei dro yn cefnogi symud ymlaen i fyd gwaith.

Beth mae'r cymhwyster yn ei gynnwys?

Uned	Yn yr uned hon, bydd dysgwyr yn:
1. Cyflwyniad i'r Amgylchedd Adeiledig (24 ODA) 1.1 Deall y sector 1.2 Cylchred oes yr amgylchedd adeiledig 1.3 Crefftau a chyflogaeth	• cael eu cyflwyno i'r hyn y mae'r sector yn ymdrin ag ef o ran ei gwmpas a'r prif weithgareddau, ystyriaethau a phrosesau • canolbwyntio ar y gwahanol fathau o rolau sydd i'w cael yn y sector a ffyrdd o gael swydd lefel mynediad.
2. Ffocws ar yr Amgylchedd Adeiledig (24 ODA) 2.1 Deall fframweithiau allweddol yr amgylchedd adeiledig 2.2 Yr amgylchedd adeiledig yng Nghymru 2.3 Ystyriaethau adeiladu	• archwilio'r fframweithiau a'r ystyriaethau ehangach sy'n llywio'r sector amgylchedd adeiledig o ddeddfwriaeth, rheoliadau a rhanddeiliaid allweddol i gynllunio ac asesiadau risg • ystyried manylion adeiladu yng Nghymru er mwyn datblygu dealltwriaeth o'u hamgylchedd adeiledig.

Uned	Yn yr uned hon, bydd dysgwyr yn:
3. Datblygu a Dangos Sgiliau (72 ODA) 3.1 Sgiliau'n ymwneud â chrefft 3.2 Paratoi ar gyfer arddangos sgiliau 3.3 Arddangos sgiliau 3.4 Adolygu arddangos sgiliau	• datblygu, cymhwyso a gwerthuso sgiliau ymarferol o dri maes crefft gwahanol o fewn y sector amgylchedd adeiledig • meithrin dealltwriaeth ehangach o ddisgwyliadau'r sector a'r sgiliau trosglwyddadwy y mae cyflogwyr yn eu hystyried yn werthfawr. Bydd dysgwyr yn dewis datblygu ac arddangos sgiliau mewn tair crefft o'r rhestr ganlynol: • bricwaith • gwaith trydanol • adeiladu treftadaeth • paentio ac addurno • plastro • gwaith plymio • gwaith ar y to • teilsio • gwaith coed.

Crynodeb o'r Asesu

Uned	Math
1	Prawf Sector wedi'i farcio gan CBAC 1 awr - 50 marc - 20% o'r Cymhwyster Mae dwy adran i'r prawf sy'n werth 25 marc yr un. Mae Adran A yn cynnwys amrywiaeth o fathau o gwestiynau gwrthrychol, fel cwestiynau amlddewis, ymateb lluosog, llenwi'r bylchau, llusgo a gollwng, a chwestiynau man poeth. Mae Adran B yn cynnwys amrywiaeth o gwestiynau sy'n gofyn am atebion byr. Gall canolfannau ddewis cofrestru ymgeiswyr am fersiwn ar-sgrin neu ar bapur.
2	Asesiad di-arholiad wedi'i farcio gan CBAC 6 awr 30 munud - 50 marc - 20% o'r Cymhwyster Bydd dysgwyr yn cwblhau cyfres o dasgau'n seiliedig ar astudiaeth achos wedi'i gosod yn allanol, sy'n canolbwyntio ar broiect adeiladu yng Nghymru.

Uned	Math
3	Asesiad di-arholiad wedi'i farcio gan y Ganolfan 14 awr – 90 marc – 60% o'r Cymhwyster Bydd dysgwyr yn cwblhau gweithgareddau a thasgau adeiladu yn seiliedig ar friff wedi'i osod yn allanol y gall canolfannau ei addasu. Bydd dysgwyr yn arddangos eu sgiliau ar draws tair crefft ac yn gwerthuso'r gwaith arddangos sgiliau.

“Mae ein cymwysterau TAAU yn dod â dysgu yn fyw. Trwy gynnig profiadau ymarferol, bywyd go iawn ac asesiadau hyblyg a chynhwysol, maent yn grymuso pobl ifanc i feithrin hyder, datblygu sgiliau a llwyddo – gan osod sylfaen cadarn ar gyfer datblygu, dysgu yn y dyfodol a bywyd gwaith.

Mae ein tîm ymroddgar yma i'ch arwain ar y broses, yn ogystal â'n hadnoddau wedi'u teilwra a'n cyfleoedd dysgu proffesiynol, a fydd yn eich ysgogi i gyflwyno'r cymwysterau newydd a chyffrous yma.”

Sarah Harris

Cyfarwyddwr Cynorthwyol
(Cymwysterau Galwedigaethol)



Oes angen mwy o gefnogaeth arnoch chi?

Mae ein Cynrychiolydd Rhanbarthol **Sophie Dobbs** ar gael i'ch cefnogi fel canolfan i gyflwyno'r cymwysterau newydd cyffrous hyn:

Rwy'n gweithio'n agos gydag ysgolion a cholegau ledled Cymru, yn eu helpu i ddeall y cymwysterau Ton 3 newydd sydd i ddod fel rhan o ddiwygio Cymwysterau Cenedlaethol 14-16 ym mis Medi 2027.

Rwyf yma i gefnogi canolfannau ar bob cam o'r daith -o'r sgysiau cynnar a chynllunio, hyd at gyflwyno'r cymwysterau.

Cyn dechrau yn CBAC, treuliais 17 mlynedd mewn addysg uwchradd. Mae cael y profiad hwnnw, a dealltwriaeth glir o'r heriau ymarferol y mae uwch arweinwyr yn eu hwynebu o ran staffio, amserlennu, adnoddau a chyllidebau, yn golygu fy mod mewn sefyllfa dda i gefnogi canolfannau yn strategol ac yn ymarferol drwy drawsnewidiad Ton 3

Cysylltwch â Sophie:

ton3@cbac.co.uk



Mae'r don olaf o Gymwysterau Cenedlaethol 14-16 ar gyfer Gymru ar y ffordd, a bydd y cymwysterau'n barod i'w haddysgu am y tro cyntaf o fis Medi 2027.

Rydyn ni'n adeiladu ar bopeth a ddysgwyd wrth gyd-greu ein cymwysterau TGAU Gwneud-i-Gymru, gan gydweithio â dros 100 o ganolfannau a 60+ o gyflogwyr, i ddatblygu amrywiaeth gynhwysol, eang a chytbwys o gymwysterau sy'n galluogi ffyrdd gwahanol o ddysgu a datblygu sgiliau.

Dewch i ddarganfod amrywiaeth o gymwysterau newydd cynhwysol gyda CBAC, bwrdd arholi mwyaf sefydledig Cymru:

- **Project Personol**
- **Y Gyfres Sgiliau (Sgiliau Bywyd a Sgiliau Gwaith)**
- **Sylfaen (Cyffredinol ac yn Gysylltiedig â Gwaith)**
- **TAAU (Tystysgrif Alwedigaethol Addysg Uwchradd)**

Dysgu mwy: www.cbac.co.uk/ton3



Yn Arbennig i Gymru.
Yn barod i'r byd.